



**PLEIV  
ROMAN-CATOLICA  
FALERA**

## **Preziadas parochianas, preziai parochians**

Temps extraordinaris pretendan mesiras extraordinarias. Aschia informein nus bugen Vus sur dallas purschidas che nossa pleiv offerescha a Vus duront quei temps malguess:

- **Mintgamai la dumengia anfleis Vus in'oraziun ni in messadi che va a prau cun la dumengia actuala en baselgia parochiala ni sin nossa pagina d'internet: [www.pleiv-laax-falera.ch](http://www.pleiv-laax-falera.ch).**
- Las messas fundadas che curdassen en quei temps vegnan pridas suenter pli tard.
- Sin nossa pagina d'internet: [www.pleiv-laax-falera.ch](http://www.pleiv-laax-falera.ch) anfleis Vus ina schelta da links che porschan a Vus agid per far oraziun persunala a casa ni alternativas allas messas usitadas.

## **DUMENGIA DA PALMAS**

- La **dumengia da palmas, ils 5 d'avrel** benedescha sur Bronislaw las palmas. Naven dallas 11.00 uras sesanflan las palmas benedidas avon baselgia parochiala ed envidan da prender ellas a casa.
- **L'unfrenda da Cureisma vegn rimnada sco mintg'onn la dumengia da palmas.** Duront quei gi stat ina cassa a Vossa disposiziun en baselgia parochiala sper il crap da batten. En quella saveis Vus deponer Voss'unfrenda da Cureisma. La cassa vegn svidada regularmein.

## **DUMENGIA DA PASTGAS**

- La **dumengia da Pastgas, ils 12 d'avrel** benedescha sur Bronislaw il fiug e l'aua. Naven dallas 10.00 uras envidein nus Vus da prender a casa l'aua benedida che sesanfla en baselgia parochiala.

Las baselgias restan aviartas sco usitau per ina viseta ed oraziun persunala.

Persunas che giavischan la Comuniun a casa, la song'uncziun ni in discuors pastoral astgan s'annunziar da tut temps tier sur Bronislaw, telefon: 081 921 41 12.

Nus sperein da saver regalar a Vus cun quellas purschidas in tec glisch e speronza duront quei temps.

*sur Bronislaw  
e la suprastonza dalla pleiv roman-catolica Falera*